

Кандидат сунъгъачнр дунд

Хальмг республикин Деед Советин депутатин кандидатд Элст балгъсна сунъгъврн 1-ч номертӓ Клыковск округар темдггдсн ӱр Иван Григорьевич Железняк сунъгъачнрла харгъв.

Итклгӓ кӱн ӱр Жуковский уг авад келв:—Иван Григорьевич Железняк 1915 джил Ставропольск крайин Ипатово селӓнд тӓрдж гарла. 1934 джилӓс авн эн Элст балгъснд ирӓд, тоосхин заводт ордж кӓдлсмн. 1937 джил шоферин эрдм дасад, теруӓс нааран эн дурта кӓдлмштӓн цуг эваргъан болн кӱчн-чидлӓн хармнлго ӓгнӓ.

Немшин фашистнр лӓ эклӓд, мана Советин орн-нутгур лӓврхд, Иван Григорьевич Железняк машинтӓгъӓн Советск Цергин зерглӓнд орад, дӓн чилтл йовсмн. Москван харслтд, Советск Прибалтикий андн фашистнрӓс сулдхлгънд эн орлцад, дӓӓг Эстоньд тӓгсксмн.

Хортан дарсн Иван Григорьевич хӓрдж ирӓд, дакн дурта кӓдлмштӓн—Элстин АТК-д орв.

Ола Иван Григорьевич „Россельхозтрансин“ автобазд кӓдлджӓнӓ. Эн зурагъан тоннар 169 процент, тони-километрӓр 174 процент кӱцӓв.

Республикин Деед Советин депутатин кандидат темдггх хуртт мана автобазин коллектив нег дуугъар нертӓ шоферӓн нерӓллӓ. Тегӓд олн мана итклийг ӓруӓнӓр кӱцӓх депутатин кандидат Иван Григорьевич Железняк—гидж итклтӓ кӱн ӱр Жуковский угӓн чилӓв.

Дарунь танъгъчин селӓнӓ эдл-ахун управленӓ кӓдлӓчнр ӱр Берденов, ӱр Куринова, залгълдана конторас ӱр Чурбанов, „1 Мая“ артелӓс—ӱр Шманцарь уг авад, сунъгъвр болх ӓдр мана коллективс негн мет коммунистнрин болн партийн биш улсин хамцлтин кандидатнрин тӓлӓ дуугъан ӓгх гидж герчлцхӓв.

Трибунур депутатин кандидат ӱр Железняк гарч ирӓд унн седклӓсн цуг сунъгъачнрт ханлт ӓргӓд, олна даалгъвр, олна керг кӱцӓхд кӱчн-чидлӓн, медрлӓн хармншгов,—гидж келв.